

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalenen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh



Kekelengen ni Tuhan, minggu enda igelari Minggu Peningkatan Ekonomi Jemaat. Enda salah sada minggu khusus iaturken gerejanta guna banci mereken pengertin ras penjemba kerna pentingna Pengikatan Ekonomi Jemaat. Salah sada dampar sehna Berita si Meriah ku bas kegeluhenta eme mabai reh sikapna ras reh pentarna kita ndarami ras makeken ulih pencarinta. Alu bage terpuji gelar Dibatanta.

Mari dage radu ras kita kerina ersembah man Dibatanta Si Badia i bas kehamaten ras keriahen ukurta.

Erkata Lonceng

(Perp. Tedis)

Rende

KEE No. 395 : 1, 2, 3

(Serayan Kebaktin Bengket ku Mimbar)

Kebaktin Minggu, 28 Juni 2026

Minggu IV Kenca Trinitatis/Minggu Peningkatan Ekonomi Jemaat

3	Votum - Salam <i>(Perp. Tedis)</i>
L	I bas gelar Dibata Bapa si masu-masu kerina pendahinta, i bas gelar AnakNa Jesus Kristus si tetap erdahin guna kiniulin manusia ras i bas gelar Kesah Si Badia si tetap mpelimbarui gegeh ras kepentarenta. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia ras kita kerina gelah. Amin.
P	Amin... Amin... Amin... <i>(Iendeken)</i>
4	Berita Kerna Perbahanen ras Sura-sura Dibata (Invocatio)
L	“Erdahinlah maka kam nggeluh, adi ngeranai janah kundul-kundul saja ngenca, musil me kam” (Kuan-kuanen 14 : 23). Erpalasken Kata Dibata enda, sipuji IA alu radu ras ngendeken : KEE No. 308 : 1, 2, 3
5	Pujin Man Dibata Si Mperdiateken Kegeluhen Manusia <i>(Perp. Kundul)</i>
L	Turang ras senina, Dibata ngelengkapi kita alu kepentaren gelah kita beluh erdahin dengen encari alu mehuli. Alu bage simpar me rejeki dengen kesangapen guna sinanami, simpar pe rejeki ras kesangapen si ielaken man temanta manusia.
P	Terpujilah Kam O Tuhan, erkiteken mulia kal rencanaNdu i bas kegeluhen kami.
L	Dibata mereken gegeh ras kesehatan, gelah banci si pake wari-wari kegeluhen alu dahin si maba kiniulin ras kesangapen.
P	Terpujilah Kam O Tuhan, erkiteken gegeh ras kesehatan si jujurkenNdu, eme asam kami makeken wari-wari kami.
L	Mari sipuji dengen sipermultiaken gelar Dibatanta, si enggo mereken erbage-bage kiniulin alu ngendeken : KEE No. 499 : 1, 2

6	Pengakuan Dosa
L	<p>Turang ras senina, bage uliNa rencana Dibata man banta ras doni enda. Marilah siakuken kinikoten ras kelepakenta i bas makeken gegeh, kesehaten ras kepentaren si enggo ijujurken Dibata, emaka nintalah sekalak-sekalak i bas ukurta :</p> <p>“Ngaku kami O Tuhan, megati kal gegeh, kesehaten ras kepentaren si iberekenNdu lenga ipakeken kami alu mehuli. Megati kami la megermet i bas kelepakenta kami. Seh maka pendahin kami la mereken ulih si mehuli, dengen la nampati kemalemen ate man kami, bagepe man teman kami manusia. Tuhan, alemilah kami.</p> <p style="text-align: center;"><i>(Paksa Teneng)</i></p> <p>L Guna kita nggejapken dosanta man Dibata, mari siendeken : KEE No. 362 : 1, 2, 3</p>
7	Berita Pengalami Dosa <i>(Perp. Tedis)</i>
L	<p>Enggo kenca kita ndai ngakuken kerina dosa-dosanta maka seh me paksana sialoken pengalami dosa idur Dibata nari. Meriah ukur Dibata ngidah kalak si ngaku dosana, ikatakenNa man bana la ngena ateKu kerna kematen kalak si jahat tapi maka jera min IA gelah nggeluh. Janah selaku persuruhan Dibata aku nehken kataNa man banta kerina kita si ngakuken dosanta Nina :</p> <p><i>“Kam enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas”</i></p> <p><i>(Jesaya 1 : 18b).</i></p> <p>Meriah ukurta erkiteken enggo ialemi Dibata dosanta emaka mari dage ras kita rende : KEE No. 96 : 1, 2, 3</p>
8	Kata Dibata <i>(Perp. Kundul)</i>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Epesus 6 : 5 - 8. Mari siogeken secara sponsoria. Sibenaken pengogenta</p> <p style="text-align: center;"><u>Kerna budak-budak ras tuan</u></p> <p>6:5 O kam budak-budak, patuhlah man tuanndu alu mbiar dengen gentar; L ikutkenlah alu bulat ukurndu, tempa-tempa idahikenndu e guna Kristus.</p>

<p>6:6 P</p> <p>6:7 L</p> <p>6:8 P</p>	<p>Bagelah ibahanndu labo saja tupung ia i je tempa-tempa kam ndarami pujin i bas manusia nari saja; tapi dalankenlah alu tutus kai si ngena ate Dibata, selaku budak-budak Kristus.</p> <p>Dahilah dahinndu alu meriah ukur. Anggaplah kam erdahin guna Tuhan labo guna manusia.</p> <p>Ingetlah! Kerina manusia, subuk budak-budak ntah si la budak-budak, ngaloken balasen i bas Tuhan nari erkiteken kerina dahinna si mehuli.</p>
	<p>Ketuahen kalak si megiken Kata Dibata, dingen si makekenca i bas kegeluhenna si teptep wari, Haleluya.</p> <p>Ialoi perpulungen alu ngendeken :</p> <p><i>Haleluya</i></p> <p><i>Haleluya</i></p> <p><i>Haleluya</i></p>

b	Ertoto guna Khotbah
c	Khotbah : Kuan – Kuanen 13 : 4 - 11. Tema : “Erdahin Erbintuas Nehi Sura-sura”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>I bas kita nehken persembahen pengataken bujurta man Dibata si jadi palas man banta ibuat i bas Kolose 3 : 17 :</p> <p><i>“Dage ntah kai gia ibahanndu, subuk i bas ngerana ntah i bas perbahanen, bahanlah e i bas gelar Tuhan Jesus janah ngataken bujur man Dibata Bapa arah IA”</i></p> <p>Tupung siendesken persembahenta ras kita rende i bas :</p> <p>KEE No. 444 : 1, 2, 3</p> <p>Pertoton Persembahen ras Syafaat</p>
11	Perpadanen Man Dibata <i>(Perp. Tedis)</i>
L	Turang ras senina, Dibata enggo ngelengkapi kita alu pemeteh ras kepentaren, gelah simpar rejeki ras kemalemen ate arah pendahinta.

P	Erpadan kami Tuhan, makeken pemete ras kepentarenNdu i bas pendahin kami.
L	Ngena ate Dibata kalak si nggeluh alu bujur, adil ras tutus i bas ndahiken dahinna.
P	Erpadan kami Tuhan, erdahin me kami alu tutus, adil ras bujur, i bas ndahiken kerina pendahin kami.
L	Dibata nuruh kita gelah nggeluh sisampat-sampaten, sabab rutang kap simegegeh nampati si kurang megegeh.
P	Erpadan kami Tuhan, ipake kami me gegeh ras kepentaren kami guna nampati teman kami manusia. Iendesken kami me pendahin kami jadi pasu-pasu man kalak si deban.
L	Mari radu ras kita rende guna mpegegehi padanta mengketi kegeluhenta si teptep wari i doni enda i bas : KEE No. 300 : 1, 2, 3, 4
12	Pertoton Tuhan
13	Pengutusen Ras Pasu-Pasu Dibata
L	Bengketilah kegeluhenndu siteptep wari, dalankenlah Kata Dibata si ibegindu i bas wari enda, jadilah perkakas Dibata si maba kiniulin man doni enda. Guna mpegegehi kam maka alokenlah pasu-pasu idur Dibata nari : <i>“Dibata, sumbul kemalemen ate e gelah si ncukupi keperlunndu guna ndalanken si sentudu ras peratenNa. Janah Dibatalah erdahin i bas kam arah Jesus Kristus gelah kam ngelakoken kai si ngena ateNa. Man Kristuslah kemulian seh rasa lalap”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>